

JALAN ALOR, BUKIT BINTANG DISERBU

# ALAMAK DBKL DATANG LAGI!

Oleh Suharmin Yusof  
am@hmetro.com

Kuala Lumpur


Tidak sempat 'bernyawa' apabila lokasi panas peniaga warga asing di Jalan Alor, Bukit Bintang di sini, digempur sekali lagi oleh penguatkuasa Dewan Bandaraya Kuala Lumpur (DBKL).

Lokasi panas penjaja tanpa lesen dan peniaga warga asing itu sebelum ini pernah diambil tindakan namun peniaga warga asing di situ masih berdegil meneruskan perniagaan.

DBKL dalam satu hantaran di Facebook berkata, operasi terbaru jam 6.30 petang kelmarin, membatik Jabatan Penguatkuasaan dengan kerjasama pejabat DBKL cawangan Bukit Bintang dan Jabatan Pelesenan dan Pembangunan Perniagaan DBKL.

Katanya, tindakan khas itu dilaksanakan mengejut membatik pemeriksaan dan tindakan penguatkuasaan terhadap aktiviti perniagaan termasuk penjaja makanan, minuman, aksesori, pakaian dan lain-lain aktiviti perniagaan.

"Antara kesalahan dilakukan termasuk menjalankan perniagaan tanpa lesen, salah guna lesen, ha-



ANTARA penjaja tanpa lesen dan peniaga warga asing digempur DBKL dalam operasi tindakan khas di Jalan Alor, Bukit Bintang.

langan tred perniagaan di tempat awam dan penjaja warga asing.

"Melalui tindakan khas dijalankan, DBKL membuat 15 tindakan sita membatik dua kes pemilik premis makanan atas kesala-

han meletakkan barangan dan peralatan di tempat awam, sembilan kes warganegara menjaja tanpa lesen serta empat kes penjaja warga asing tanpa lesen," katanya.

Menurutnya, kesemua

tindakan sita itu diambil mengikut peruntukan Akta Jalan Parit dan Bangunan 1974 dan UUK Pelesenan Penjaja (WPKL) 2016.

DBKL berkata, pihaknya turut mengeluarkan satu notis penguatkuasaan me-

ngikut Seksyen 46, Akta Jalan Parit dan Bangunan 1974, dua notis kompaun penjaja tanpa lesen dan dua notis kompaun atas kesalahan melantik pembantu gerai warga asing mengikut UUK Pelesenan Penjaja

(WPKL) 2016.

"Barangan dan peralatan disita dipindahkan ke Setor Sitaan DBKL Jalan Lom-bong Taman Miharja Cheras untuk rekod penyimpanan sementara dan dokumentasi," katanya.